

- *1. لیفٹنٹ گورنر منوج سنہا نے قومی بودھ کنفیڈریشن تے قومی عجائب کھر غی کجھ بودھ اہمیت غی نمائشی نوادرات روس غی کلمائک عجائب کھر نانہ بطور تحفہ پیش کیں۔
- *2. نائب وزیر اعلیٰ سریندر چودھری نے اپنا سندر بنی دورہ غے بکھ بکھ ترقیاتی کماں غو معائنو کیو۔
- *3. جموں ریلوے ڈویژن غی طرفوں ٹکٹ چیک کیا جان غی اک مہم غے دوران 5 لکھ روپیاں غو جرمانو وصول کیو ہے۔
- *4. جموں توی گالف کورس غی طرفوں مون سون ٹی آف دیوالی کپ 2025 غی میزبانی کی ہے۔
- *5. بی ڈبلیو ایف عالمی جوئر چمپئن شپ غا فائنل مقابلہ مانہ بھارت غی تنوی شرما تھانی لینڈ غی انیا پت، فچٹ فری چسک تیں بار گئی ہیں تے اس طرح ان نانہ چاندی غو تمغو حاصل کیو ہے۔

خبران غی تفصیل نال پہلاں باغ علی طاہر۔

LG Exhibitions

لیفٹنٹ گورنر منوج سنہا نے بین القوامی بودھ کنفیڈریشن تے قومی عجائب کھر غی اہم نمائشی چیزاں نانہ روس غا ایسٹا مانہ موجود عجائب کھر غے ہوالے کیو ہے۔ ایسٹا عجائب کھر روس غی ریاست ریپبلکن آف کمکھیا مانہ موجود ہے۔ ایل جی موصوف غو کہنو تھو جے اس قدم سنگ مہا تمہ بدھ غی اہمیت تے آفادیت اور کمکھیا غی تاریخی نوادرات غا دورہ نانہ اس خوبصورت سر زمین غا لوگ یا د رکھیں گا۔ بعد مانہ لیفٹنٹ گورنر نے ایسٹا غی قومی لا ئبریری غو وی دورو لایو۔ اس لا ئبریری غو ناں اک معروف کلمائک مُصنّف تے عوامی شخصیت امور سنان غا ناں ور رکھیو گیو ہے۔ اپنا دورہ غے دوران لیفٹنٹ گورنر نے لا ئبریری نانہ کئی کتاب پیش کیں، جہیڑی بودھ مذہب ور لکھی گئی ہیں۔

Dy CM Sunder bani

نائب وزیر اعلیٰ سریندر چودھری نے آج سندر بنی بس آڈھ غو دورو لا غے اُت لک پایا جان غا کم سمیت ترقیاتی کماں غو معائنو کیو۔ اس موقع ور انہاں نے متعلقہ افسراں ور ان کماں غا معیار نانہ قائم رکھن نالے ولے سر تکمیل غی ضرورت ور زور پایو، تانجے لوکاں نانہ ولے سر بہتر سہولت مہیا کرائی جا سکیں۔ انہاں نے اس توں علاوہ لمبیڑی گوجری سڑک غی بہتری غا کم غو نیں پتھر وی رکھیو، جس نال مقامی لوکاں غا رابطہ تے سفر مانہ مزید آسانی پیدہ ہو سکے گی۔ اس موقع ور لوکاں غا اک اکٹھ سنگ خطاب کرتاں واں انہاں نے گرانیں ترقیاتی ٹانچہ غی تعمیر نانہ ترجیح دین نالے علاقہ مانہ مجموعی ترقی بارے لگا تار کو شش کیا جان غو پھروسو دوايو۔

Ticket Checking

بغیر ٹکٹ سفر غے خلاف اک سخت کاروائی مانہ بہا رتی ریلوے غا جموں ڈویزن نے ٹکٹاں غی جانچ واسطے اک سخت مہم چلائی، جس مانہ اک ہی تیہاڑے 673 مسافراں نانہ جرمانو کیو گیو تے اس ڈویزن مانہ ہن تک گی سب تیں زیادہ اک دن غی وصولی غے طور ور ریکارڈ 5 لکھ روپیا جرمانہ غی وصولی کی گئی۔ آکاشوانی جموں غا نامہ نگار نے خبر دتی ہے جے سینئر ڈویزنل کمرشل منیجر اُچت سنگل غی سربراہی مانہ بڑا پیمانہ ور جموں، پٹھانکوٹ کینٹ، پٹھانکوٹ سیٹی، کٹڑا، سرینگر تے بڈگام سمیت اہم اسٹیشناں ور یاہ مہم چلائی گئی۔ سنگل نے دسیو ہے جے ٹکٹاں غی جانچ غی خاطر مہم وقتاً فوقتاً جاری رہ گی، تانجے غیر قانونی سفر نانہ روکیو جا سکے۔ اُنہاں نے مسافراں نانہ کہیو ہے جے وے ٹکٹ بُک کرن تے لمی قطاراں تیں بچن واسطے ایم یوٹی ایس تے ریل ون ایپ نانہ استعمال کریں۔

Army Commander

شمالی کمان غا جنرل آفیسر کمانڈنگ ان چیف لیفٹنٹ جنرل پراتک شرما نے آگلا سرحدی علاقہ مانہ کنٹرول لائن تے اندرونی علاقہ مانہ تعینات دستاں سنگ اپنا دورہ غے دوران گل بات کی۔ پیشہ وارانہ تیاریاں غو جائزو لیتاں واں لیفٹنٹ جنرل شرما نے فوجی دستاں غی پیشہ وارانہ صلاحیتاں تے للکاراں سنگ نمبرن غا اُن غا عزم نانہ سراہیو۔ اُنہاں نے قومی سرحداں غی راکھی کرن تے علاقہ غا امن تے استحکام نانہ یقینی بنان بارے فوج غا جواناں تے افسراں غا مُسمم ارادہ غی تعریف کی۔ فوجی کمانڈر نے پیشہ وارانہ تیاریاں تے تمام متعلقہ ایجنسیاں بشکار بروبر تال میل قائم رکھن غی ضرورت ور زور پایو، تانجے ابھرتی للکاراں سنگ موثر طریقہ نال نمبڑیو جا سکے۔

Diwali Mela

سرحدی سلامتی فوج بی ایس ایف نے وادی کشمیر غا بڈگام ضلع غا ہم ہامہ کیمپس مانہ دیوالی میلہ غو انعقاد کیو۔ میلہ غو ایتماں بی ایس ایف غا اہلکاراں اُن غا افراد کُنہ تے کول کال غا لوکاں واسطے کیو گیو۔ یہ تقریبات دوستی نانہ فروغ دین، تہوار نانہ جذبہ نال منان تے اپنا کھر آلاں کولوں دور خدمت دے ربیا جواناں واسطے کھر غو احساس فراہم کرے۔ بنیادی طور ور یاہ تقریب بی ایس ایف تے اُن گا کنبان غا افراد واسطے منعقد کی گئی تھی، لیکن یاہ مقامی لوکاں نال جُڑن تے ان نال تعلقات مضبوط کرن غو وی کم کرے۔ نامہ نگاراں نال گل کرتانواں آئی جی بی ایس ایف کشمیر فرنٹیر اشوک یادنو نے میلہ غی اہمیت بارے اس طرح کہیو۔ بانٹ۔۔۔ جد کہ بی ایس ایف غی اک خاتون افسر نے میلہ غا مقصد ور لو پاتاں واں کہیو۔ بانٹ۔۔۔

مزید خبراں نال عبدالمجید۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری موبائل ایپ تے ڈی ٹی ایچ ور وی دستیاب ہیں)

Tawi Golf Course

جموں توئی گالف کورس غی فطرفوں آن مون سون ٹی آف دیوالی کپ 2025 غی میزبانی کی گئی۔ اس کپ غی میزبانی محکمہ سیاحت غا سیکریٹری سی پی ورما تے محکمہ سیاحت غی جموں ڈائریکٹوریٹ غی طرفوں کی گئی ہے۔ اس کھیڈ مقابلہ غو آغاز آج دوپہر بعد کیو گیو۔ جس مانہ 100 غے قریب گالف کھڈاریاں نے شرکت کی۔ اس گالف ٹورنامنٹ مانہ کھیڈ تہوار اور اجتماعیت غو جذبہ شامل ہے، تے اس غو اختتام انعامات غی تقسیم، تفریحی عشاہ تے قوالی سنگ کیو جائے گو۔ جموں توئی گالف کورس غا سیکریٹری مانو گپتا نے اس ٹورنامنٹ غا انعقاد ور لوہ پاتاں واں اس مانہ اتحاد غو جشن تے جموں کشمیر مانہ بدھتی گالف غی ثقافت قرار دتو۔ جس غو مقصد کھیڈ سیاحت تے یکسانیت غا جذبہ مانہ بابدو دینو ہے۔ اسے دوران اس تقریب غا آغاز تیں بعد محکمہ سیاحت جموں غا ڈائریکٹر ڈاکٹر وکاس گپتا نے کہیو۔ بانٹ۔ اس تقریب مانہ گل کرتاں واں محکمہ سیاحت جموں غا جانٹ ڈائریکٹر ایجاز قیصر ملک غو کہنو تھو۔۔ بانٹ۔۔

Justice Oswal

جموں کشمیر تے لداخ غی عدالت عالیہ غا جج جسٹس راجیش اوسوال نے ضلع کٹھوعہ مانہ عدالتی بنیادی ڈھانچہ غا منصوباں غی پیش رفت غو معائنو کیو تے جائزو لیو۔ جسٹس او سوال نے اپنا دورہ غو آغاز ہیرا نگر تیں کیو، جت انہاں نے زیر تعمیر نواں کورٹ کمپلیکس غو معائنو کیو۔ عدالت عالیہ غا جج نے کم غی رفتار غو جائزو لیتاں واں کم کر رہی متعلقہ ایجنسی مانہ ہدایت کی جے وے بقایا کم مانہ تیزی نال کریں تے پروجیکٹ مانہ تولاں مکمل کریں۔ ڈپٹی کمشنر کٹھوعہ راجیش شرما تے ایس ایس پی کٹھوعہ موہیتا شرما نے جسٹس او سوال نال ملاقات کی۔ بعد مانہ جسٹس او سوال نے بار ایسو سیشن کٹھوعہ سنگ میٹنگ وی کی۔

GST reforms

حال ہی مانہ جی ایس ٹی سڈھاراں مانہ لاگو کیا جان غے بعد قیمتاں مانہ ہوائی کمی غو فائدو صارفین مانہ مل رہیو ہے، تے اس راہ ہن جی ایس ٹی غی شرح مانہ کی گئی کمی غا نتیجہ مانہ خریداری مانہ بابدو ہو نو ہے۔ ضلع رام بن مانہ وی گا ہکاں مانہ جی ایس ٹی سڈھاراں غو فائدو میسر آرہیو ہے۔ تہواراں غا موسم غے دوران سرکار مانہ امید ہے جے لوگ الیکٹرانک غا سامان یعنی برقی مصنوعات غی زیادہ توں زیادہ خریداری کریں گا۔ کیونجے ایسی مصنوعات ورورں جی ایس ٹی غی شرحاں مانہ خاطر خواہ کمی کی گئی ہے۔ اس توں علاوہ روزانہ استعمال غی چیزاں جن مانہ صابن تے ٹوتھ پیسٹ، کھان پین غی چیز، نکا بچاں غا استعمال غی چیز اور انٹر کنڈیشنر، ٹیلی ویژن تے واشنگ مشین شامل ہیں، ان وروں وی جی ایس ٹی مانہ خاطر خواہ کمی کی گئی ہے، جن غو فائدو وی چایو جاسکے گو۔ اس بارے آکاشوانی نیوز سنگ گل کرتاں واں اک گاہک صاحبہ غو کہنو تھو۔۔ بانٹ۔۔

PCCF-Pir Panjal

پرنسپل چیف کنزر ویٹر فاریسٹ تے فاریسٹ فورس غا سربراہ ایس کے گپتا نے پیر پنجال فاریسٹ ڈویژن غو اک وسیع دورو غے دوران کیمپا غے تحت کماں غا نفاذ تے دود گنگا رینج مانہ حد بندی غا کماں گو جائزو لیو۔ معائنہ غے دوران پی سی سی ایف نے ڈویژن پیر مانہ

شروع کیا جان آلا بکھ بکھ ترقیاتی شجر کا ری تے تحفظ غا اقدامات غو جائزو لیو۔ اُنہاں نے اعلیٰ ترین معیار ر نانہ قائم رکھتاں واں سرگرمیاں نانہ مقررہ وقت مانہ مکمل کرن غی اہمیت ور زور پایو۔ اِس موقع غی مناسبت نال پی سی سی ایف نے نیل ناگ مانہ ایک پیڑ ماں کے نام مہم غے تحت اک بوٹو وی لایو۔

Badminton

بیڈ منٹن مانہ بھارتی شٹر تنوی شرما اج جو نئر ورلڈ چمپئن شپ مانہ لڑکیاں غا سنگلز غا حتمی مقابلہ مانہ تھائی لینڈ غی دوجی اینا پٹ فیچٹ پری چاسک تیں 7/15 تے 12/15 نال ہارن غے بعد دوجا مقام ور رہی ہیں۔ تنوی گذشتہ روز سیمی فائنل مانہ چین غی لیو سی یا نانہ 15/15، 9/11 نال برا غے فائنل مانہ پُجی تھیں۔
